



Broj: 16-12-16-2941- ~~13~~ /22
I. Sarajevo, ~~13.05.~~ 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 05.05.2022. godine, na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-2941/22 od 06.05.2022. godine, u postupku javne nabavke kompjuterskog materijala – tonera i ketridža za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke kompjuterskog materijala – tonera i ketridža za potrebe Državne agencije za istrage i zaštitu

Član 1.

U postupku javne nabavke kompjuterskog materijala – tonera i ketridža za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-2941/22 od 06.05.2022. godine, okvirni sporazum za period od dvije godine, dodjeljuje se ponuđaču „ALF-OM d.o.o. Banja Luka“, ponuda broj 16-12-16-2941-11/22 od 18.04.2022. godine, za ponudenu cijenu u iznosu od 15.600,00 KM bez uračunatog PDV-a.

Član 2.

(1) Ponuđač „ALF-OM d.o.o. Banja Luka“ obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-2941-1/22 od 31.03.2022. godine pokrenut je postupak javne nabavke kompjuterskog materijala – tonera i ketridža za potrebe Agencije, procijenjene vrijednosti u iznosu od 40.000,00 KM bez uračunatog PDV-a, za koji je obavještenje o javnoj nabavci broj 1161-7-1-73-3-22/22 od 06.04.2022. godine objavljeno na Portalu javnih nabavki. Novčana sredstva za realizaciju navedene nabavke obezbijedena su u okviru budžetskih sredstava za 2022. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2022. godine („Službeni glasnik BiH“, broj 3/22) i Dokumenta okvirnog budžeta 2022.-2024. godine. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 18.04.2022. godine do 13,00 sati, te da se ponude dostavljaju u zatvorenoj koverti, Komisija je dana 18.04.2022. godine u 14,00 sati izvršila javno otvaranje ponuda.

Blagovremeno su dostavljene ukupno četiri ponude i to:

R/B	Naziv ponuđača	Ponuđena cijena bez uračunatog PDV-a
1.	„ECOPRINT d.o.o. Sarajevo“	63.697,30 KM
2.	„DEFTER d.o.o. Sarajevo“	41.702,90 KM
3.	„AERO-EXCLUSIVE d.o.o. Sarajevo“	39.526,83 KM
4.	„ALF-OM d.o.o. Banja Luka“	39.920,10 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „ECOPRINT d.o.o. Sarajevo“, „DEFTER d.o.o. Sarajevo“, „AERO-EXCLUSIVE d.o.o. Sarajevo“ i „ALF-OM d.o.o. Banja Luka“ ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i kao i formalno-pravne uslove iz Konkurentskog zahtjeva.

Komisija je od Sektora za operativnu podršku aktom broj 16-12-16-2941/22 od 20.04.2022. godine tražila stručno mišljenje, da li dostavljeni uzorci kompjuterskog materijala – tonera i ketridža ponuđača „ECOPRINT d.o.o. Banja Luka“, „DEFTER d.o.o. Sarajevo“, „AERO-EXCLUSIVE d.o.o. Sarajevo“ i „ALF-OM d.o.o. Banja Luka“, ispunjavaju tehničke i profesionalne uslove iz tačke 3.1.4. Konkurentskog zahtjeva (član 49. Zakona). Sektor za operativnu podršku aktom broj 16-10-16-2941/22 od 28.04.2022. godine, dostavio je stručno mišljenje, u kojem je navedeno da su ponuđači „ECOPRINT d.o.o. Banja Luka“, „DEFTER d.o.o. Sarajevo“, „AERO-EXCLUSIVE d.o.o. Sarajevo“ i „ALF-OM d.o.o. Banja Luka“, dostavili uzorke u skladu sa tehničkim uslovima propisanim u Konkurentskom zahtjevu.

Obzirom da je Konkurentskim zahtjevom za postupak javne nabavke kompjuterskog materijala – tonera i ketridža za potrebe Agencija predviđeno provođenje e-aukcije u skladu sa Pravilnikom, da su zaprimljene četiri prihvatljive ponude, Komisija je zakazala e-aukciju za dan 05.05.2022. godine u 11,00 sati u trajanju od 20 minuta.

Prema Izvještaju o toku i završetku e-aukcije od 05.05.2022. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„ALF-OM d.o.o. Banja Luka“	15.600,00 KM	1
2.	„AERO-EXCLUSIVE d.o.o. Sarajevo“	15.900,00 KM	2
3.	„DEFTER d.o.o. Sarajevo“	38.960,00 KM	3
4.	„ECOPRINT d.o.o. Sarajevo“	63.697,30 KM	4

Nakon provedenog postupka e-aukcije, shodno Izvještaju o toku i završetku e-aukcije od 05.05.2022. godine, Komisija je utvrdila da je za navedeni postupak bilo snižavanje cijena ponuda kao kriterij za dodjelu okvirnog sporazuma u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je utvrdila da je ponuda ponuđača „ALF-OM d.o.o. Banja Luka“ ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od dvije godine dodijeli ponuđaču „ALF-OM d.o.o. Banja Luka“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

